



Tužilaštvo/Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KT 0021038 21  
Sarajevo, 05.05.2022.godine

Na osnovu člana 35. stav 2. i člana 216. stav 3. Zakona o krivičnom postupku Bosne i Hercegovine, donosim:

**N A R E D B U**  
o nesprovođenju istrage

**PROTIV:** [REDACTED]

zbog krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Krivičnog zakona Bosne i Hercegovine, **jer ne postoje osnovi sumnje da je počinjeno navedeno krivično djelo.**

**O b r a z l o ž e n j e**

Dana 25.07.2021.godine, na info adresu Tužilaštva/Tužiteljstva Bosne i Hercegovine, od strane anonimnog podnosioca, sa e-mail adrese [REDACTED], dostavljena je e-mail poruka naslova: „Peticija hapšenja [REDACTED] radi netrpeljivosti negiranju genocida pod novim zakonom o negiranju genocida u BiH nametnut od strane Valentina Inzka bonskim ovlastima“, a u kojoj je samo naveden link [REDACTED]

Izvršenim uvidom u sadržaj dostavljenog linka, Tužilaštvo/Tužiteljstvo Bosne i Hercegovine je utvrdilo da je u prilogu poruke dostavljena vijesti objavljena na internet stranici portala [REDACTED], pod naslovom: „[REDACTED]“, sljedećeg sadržaja:

„Nakon što je [REDAKTIRANO] prije dva dana pokrenuo peticiju o neprihvatanju Inzkove odluke o zabrani negiranja genocida, na internet platformi „Change.org“ pokrenuta je online peticija pod naslovom „Želimo da [REDAKTIRANO] bude uhapšen i procesuiran“.

Peticiju je pokrenuo [REDAKTIRANO], a do zaključenja ovog teksta potpisalo ju je više od 4.000 ljudi. Bit će zanimljivo pratiti krajnje rezultate obje peticije, a na društvenim mrežama se već uveliko „bacaju“ opklade da će ova o [REDAKTIRANO] hapšenju skupiti više potpisa od one o neprihvatanju Inzkove odluke.

„[REDAKTIRANO] već dugi niz godina krši mir i sigurnost svih građana države Bosne i Hercegovine. To čini svojom retrogradnom politikom i ličnim stavovima i izjavama, koji su gotovo uvijek usmjereni protiv nesrpskog stanovništva u BiH. Mi smo jedina država na svijetu čiji predsjednik poriče vlastitu državu“, stoji u opisu peticije.

Dodaje se da već svi već znaju da [REDAKTIRANO] povlači ove i mnoge druge destruktivne poteze za Bosnu i Hercegovinu i budućnost njenih građana, „jer želi prikriti sav kriminal iza kojeg stoji posljednjih 30 godina“.

„Posljednjim događajima vezanim za [REDAKTIRANO] i njegovo negiranje genocida u Srebrenici, te [REDAKTIRANO] najavama o otcjepljenju manjeg bh. entiteta od države Bosne i Hercegovine, sigurnost svih građana BiH je u velikoj mjeri ugrožena, a mi možemo ovo okarakterisati kao državni udar od samog predsjednika, kako bi prikrivio svoje kriminalne i druge ilegalne aktivnosti“, stoji uz peticiju.

Zanimljivo je da je u peticiji „tagovan“ [REDAKTIRANO] [REDAKTIRANO], što znači da su svi oni upoznati sa ovom peticijom.

Peticiju je moguće potpisati na [ovom linku](#).

Dana 20.08.2021.godine, u spis predmeta uložena je i e-mail zaprimljen na info adresu Tužilaštva/Tužiteljstva Bosne i Hercegovine, dana 15.08.2021.godine, dostavljen sa e-mail adrese [REDAKTIRANO], a koji je dostavljen na još [REDAKTIRANO] drugih e-mail adresa, odnosno određenih lica zaposlenih u [REDAKTIRANO], a iz kojeg proizlazi da se lice [REDAKTIRANO] obraća [REDAKTIRANO] navodno u ime građana Bosne, u kojem traži od istog da se odmah i bez odlaganja izda nalog za hapšenje [REDAKTIRANO] zbog konstantnog negiranja genocida i odbijanja potpisa Odluke za angažovanje Oružanih snaga u akciji gašenja požara na jugu Bosne, čime je direktno ugrozio živote ljudi i imovine. U pismu je, između ostalog navedeno, da je [REDAKTIRANO] već podnio krivičnu prijavu protiv [REDAKTIRANO] da [REDAKTIRANO] nikada neće izdati ovu naredbu jer ima „pametnija“ posla da zataškava sve što dolazi iz kuhinje rušitelja Bosne i da zbog navedenih razloga traži njenu smjenu jer je pod političkim uticajem [REDAKTIRANO] i da ista zajedno sa njima učestvuje u rušenju Bosne kao države; da je građanima Bosne već 30 godina preko glave agresivne politike Srbije i Hrvatske i njihovih satelita u Bosni; da nikakvi izbori ne mogu pokrenuti Bosnu naprijed; da „Daytonska luđačka košulja“ u Bosni mora biti skinuta; da treba početi stvarati građansku sekularnu Bosnu koju neprijatelji Bosne zovu zlonamjerno unitarnom Bosnom, itd.

Ocjenom navedenih e-mail poruka i isprintanog sadržaja sa dostavljenog linka, tj. vijesti objavljene na internet stranici portala [REDAKTIRANO], Tužilaštvo/Tužiteljstvo Bosne i Hercegovine smatra da, u konkretnom slučaju, ovom Tužilaštvu nisu dostavljene krivične prijave protiv [REDAKTIRANO], nego informacije o pokrenutim peticijama i pismu koje je upućeno visokom predstavniku od kojeg se traži poduzimanje određenih koraka u odnosu na [REDAKTIRANO].

Naime, iz vijesti, odnosno gore citiranog teksta, proizlazi da se radi o članku koji informiše čitaoce portala [REDAKTIRANO] o pokrenutim peticijama, i to peticiji koju je pokrenuo [REDAKTIRANO] na internet platformi „Change.org“ i peticiji koju je pokrenuo [REDAKTIRANO], odnosno da se na društvenim mrežama „bacaju“ opklade koja će peticija skupiti više potpisa, da li peticija o [REDAKTIRANO] hapšenju ili [REDAKTIRANO] peticija o neprihvatanju Inzkove odluke.



Iz e-mail poruke, dostavljene dana 15.08.2021.godine, slijedi da je ista upućena [REDACTED], u kojem [REDACTED], navodno u ime građana Bosne, traži od istog da izda nalog za hapšenje [REDACTED], te iznosi nezadovoljstvo građana trenutnom političkom situacijom u BiH.

No, bez obzira što se ne radi o krivičnim prijavama, Tužilaštvo je izvršilo i ocjenu navoda koji se tiču negiranja genocida u Srebrenici, odnosno raspisivanja peticije o neprihvatanju Inckove odluke o negiranju genocida, te je zaključilo da u konkretnom slučaju nema mjesta pokretanju i vođenju krivičnog postupka protiv [REDACTED], iz sljedećih razloga:

Stavom 3. člana 145a. Krivičnog zakona BiH, propisano je: „*Ko javno odobri, porekne, grubo umanjiti ili pokuša opravdati zločin genocida, zločin protiv čovječnosti ili ratni zločin utvrđen pravosnažnom presudom u skladu s Poveljom Međunarodnog vojnog suda pridruženom uz Londonski sporazum od 8. aprila 1945. ili Međunarodnog krivičnog suda za bivšu Jugoslaviju ili Međunarodnog krivičnog suda ili suda u Bosni i Hercegovini, a usmjereno je protiv grupe lica ili člana grupe određene s obzirom na rasu, boju kože, vjeroispovijest, porijeklo ili nacionalnu ili etničku pripadnost, i to na način koji bi mogao potaknuti na nasilje ili mržnju usmjerenu protiv takve grupe lica ili člana takve grupe, kazniće se kaznom zatvora od šest mjeseci do pet godina*“.

Nadalje, u političke slobode i prava spadaju: sloboda udruživanja, sloboda govora i javnog okupljanja i istupanja, aktivno i pasivno biračko pravo, jednaka dostupnost javnih službi i pravo peticije. Savremeno demokratsko društvo dužno je osigurati pojedincu slobodu očitovanja svih njegovih individualnosti, sva prava koja mu pripadaju, kao i njegovu potpunu zaštitu.

Tužilaštvo smatra da se u radnjama [REDACTED] koje je poduzeo, odnosno raspisivanju navedene peticije, ne stiču bitna obilježja krivičnog djela Izazivanje nacionalne, rasne i vjerske mrženje, razdora i netrpeljivosti iz člana 145a. stav 3. Krivičnog zakona Bosne i Hercegovine, obzirom da je isti, kao građanin Republike Srpske i [REDACTED], u okvirima političkih sloboda i prava, u koja prava se ubraja i pravo na peticiju, raspisao predmetnu peticiju na šta ima političko pravo, u cilju izjašnjavanja građana, odnosno formiranja političkog stava Republike Srpske kada je u pitanju navedeni član Zakona, zbog čega je, imajući u vidu sve naprijed navedeno, obzirom da nema osnova sumnje da je [REDACTED] počinio krivično djelo Izazivanje nacionalne, rasne i vjerske mrženje, razdora i netrpeljivosti iz člana 145a. stav 3. Krivičnog zakona Bosne i Hercegovine, temeljem člana 216. stav 3. Zakona o krivičnom postupku BiH, odlučeno kao u dispozitivu naredbe.

U smislu člana 216. stav 4. Zakona o krivičnom postupku BiH, obavijesti o donesenoj odluci će biti dostavljene anonimnom podnosiocu na e-mail adresu [REDACTED] a [REDACTED] na e-mail adresu [REDACTED], sa koje su i dostavljene e-mail poruke, a koji na ovu odluku imaju pravo podnijeti pritužbu Uredu Glavnog tužioca, u roku od 8 (osam) dana od prijema obavijesti.

TUŽILAC  
TUŽILAŠTVA/TUŽITELJSTVA BiH